

Transkription von Urkunde SDL 1377a

Ort, Datierung: Stendal, 1377-11-11

Signatur: Stadtarchiv Hansestadt Stendal, k.A.

Inhalt: Gebrüder van Wultitze: Pacht- und Rentenbrief

Wÿ Thideke vnd Coneke van wultitze brode(re) . Coneke(n)s sone van wultitze knapen / Beke(n)nen .
vnd Betughen oppenbare . vor alle den ghenen . de dessen Brief seen . edder / lesen horen . Dat wy met
wolbedachte(m) müde met Rade . vnd met vulborde . vnser rechte(n) / eruen . vnd vnser vru(n)de
redeliken . vnd rechtleke(n) hebben vorkoft . vnd hebben vp ghelaten / vor vnser heren den
Marrgreuen . deme bescheydenen manne . Thideken Schartowen / borgher to Steyndal . vnd synen
rechten eruen sodane gud Jarlike pleghe vnd Re(n)the / de dar lecht in deme dorpe to hogen wultitze
alse hir na bescreuen steyt . In Copen / berchten hou . dat druuden deyl der beden . alse dry
schilli(n)ghe . vnd eyn scherf brande(n)/burgesch pe(n)ni(n)ghe to Su(n)te walburghen daghe . vnd
also vole . brande(n)burgesch pe(n)ni(n)=/ghe . to sunte Mychils daghe . vnd dat druuden deyl . van
Twen schepelen rogghen . / vnd dat druuden deyl . van Twen schepelen ghersten . vnd dat druuden
deyl . van vÿr / schepelen hauerer fredeleken . vnd erfleken . to eynem rechten leene to hebbende . vnd
to / besittende zu(n)der allerleyge hindere vnd arghelÿst . Desse vorscreue(n) Jarlike pleghe vnd /
Renthe . schalman alle Jarlikes To rechte(n) tyden . vt den vorbenomede(n) hou . Thideke(n)
schar/towen . vnd zinen rechten eruen . met guden korne . vnd met ghuden pe(n)ninghen bereyden /
vnd betalen in der stad to Steyndal . zunder allerleyge hindere . vnd ane vortogh . vnd wÿ / vnd vnse
erue(n) sullen vnd willen Thideken schartowen . vnd zinen rechte(n) eruen . desses / vorscreue(n)
ghudes rechte ghewere zin vnd wesen . nÿ vnd to allen tyden vor alle ansprake ¹ / Hÿr vore heft vns .
Thideke schartow ghegheuen vnd betalet an redeme suluer . ses marck / brande(n)burg(eschen)
sulue(re)s . wichte vnd ghewere . de altomale i(n) vnse nÿd . vnd i(n) vnser eruen / vromen ghekeret
zint . Alle dessevorscreue(n) stücke desses brÿues . vnd eyn yowelk by sunde=/ren hebbe wÿ . Thideke .
vnd Coneke brode(re) gheheyten van wultitze ghelouet . vnd louen de / i(n) guden truwen . vor vns .
vnd vnse rechte eruen . Thideken schartowe(n) . vnd zine(n) rechten / eruen . stede vnd ghantz to
holdene zu(n)der allerleyge arghelist . Met orku(n)de desses brÿues / dar wÿ vnse Ingheseghele . met
rechter witzschap . vnd to tughe an hebbe(n) laten hengen . Hir / ou(er) hebbe(n) gheweset . to eyn
merer Beka(n)tnisse de wÿsen manne . Enghel ghu(n)ter . Coppe / storbeke . voltze noppow . Thideke
wultitze . vnd Hans schartow . borghere to Steyndal / vnd volemer ghuder lude . de wol Thughes
werdich zint . Ghe gheuen . na Ghoddes Bort / Dusent Jare . Dry hu(n)dert Jare . In deme souen vnde
Soue(n)tighestem Jare . In Su(n)te Mathÿ=/as daghe des hilgen apostels /

¹ Bis hier Abschrift des Vertrages von 1366. Vgl. SDL 1366a